

## ინფორმაცია პაციენტებისთვის


თქვენმა ექიმმა დაგინიშნათ კვლევა, რომლის-თვისაც საჭიროა სკონტანური (ერთჯერადი) შარდის შეგროვება

მნიშვნელოვანია სინჯი სწორად შეგროვდეს.

ამ გზამკვლევში ვეცდებით აგიხსნათ: როგორ შეაგროვოთ შარდი, მონიშნოთ სინჯები და სწორად შეინახოთ გამოკვლევამდე.

### ლაბორატორიისგან დაგჭირდებათ:


- შარდის შესაგროვებელი ერთჯერადი კონტეინერი
- შარდის სინჯარა
- 2 შარდის სატრანსპორტო კონტეინერი
- სატრანსპორტო მაცივარი



## როგორ ხდება სკონტანური შარდის შეგროვება?

### რა უნდა იცოდეთ:

- სატრანსპორტო მაცივარი მოათავსეთ მაცივრის საყინულეში.
- შარდი შეიძლება შეგროვდეს ნებისმიერ დროს. გაითვალისწინეთ, რომ მოშარდვებს შორის ინტერვალი უნდა იყოს სულ მცირე 4 საათი!
- სქესობრივ კავშირს მოერიდეთ შარდის აღებაზე ერთი დღით ადრე.
- პირველ რიგში, შარდის შესაგროვებელ სატრანსპორტო კონტეინერებს დააწერეთ: სახელი, გვარი, დაბადების თარიღი, შარდის აღების თარიღი.
- ხელები კარგად დაიბანეთ საპნითა და წყლით და გაიმშრალეთ სუფთა ხელსახოცით.



## პროცესის აღწერა

### 1. დაიბანეთ სასქესო ორგანოები


**ქალები:** ერთი ხელით გადაწიეთ სასქესო ბაგეები და კარგად დაიბანეთ გამდინარე, თბილი წყლით (საპნის გარეშე), მიმართულებით: წინიდან → უკან. შემდეგ გაიმშრალეთ სუფთა ხელსახოცით. შარდის აღების დასრულებამდე გადაწეული გქონდეთ სასქესო ბაგეები. მენსტრუაციის დროს შარდის აღება რეკომენდებული არ არის. აუცილებლობის დროს, საჭიროა ტამპონის გამოყენება.

**კაცები:** მთლიანად გადაწიეთ ჩუჩა და ასოს თავი კარგად დაიბანეთ გამდინარე, თბილი წყლით (საპნის გარეშე). შემდეგ კარგად გაიმშრალეთ სუფთა ხელსახოცით. შარდის აღების დასრულებამდე ჩუჩა გქონდეთ გადაწეული.



### 2. შეაგროვეთ შარდის შუა ნაკადი

დაიწყეთ მოშარდვა ტუალეტში, დაახლოებით 3 წამის განმავლობაში. შემდეგ შეაგროვეთ, დაახლოებით, 20-30 მლ შარდი შარდის ერთჯერად კონტეინერში, ნაკადის შეწყვეტის გარეშე. შარდის კონტეინერი არ უნდა ეხებოდეს სხეულს. შარდის კონტეინერი მოაცილეთ შარდის ნაკადს შარდვის დასრულებამდე. მოშარდვა დაასრულეთ ტუალეტში.



### 3. შარდის შეგროვების შემდეგ:

შარდის სინჯარას მოხსენით თავსახური და მიამაგრეთ „წვერი“. შარდის სინჯარა წვერით ჩაყავით შარდის შესაგროვებელ კონტეინერში. შარდი გადააწილეთ თანაბრად 2 შარდის სატრანსპორტო კონტეინერში, კონტეინერებს მჭიდროდ დაახურეთ თავსახურები და შეინახეთ მაცივრის საყინულეში. ლაბორატორიაში მოსატანად, გაყინული 2 კონტეინერი მოათავსეთ წინასწარ გაყინულ სატრანსპორტო მაცივარში.

